

CEBUANO: YOUR NEW LIFE

CL11/c

I

1

CHRISTIAN LIFE
PROGRAM

Ang Bag-o Mong Kinabuhi



INTERNATIONAL CORRESPONDENCE INSTITUTE

©Copyright, 1969
by the International Correspondence Institute
Springfield, Missouri 65802

MGA SULOD

LEKSYON	PAHINA
Magsultihay Una Kita	5
1. Nakasugod ka na ug Usa Ka Bag-ong Kinabuhi	9
2. Nagatuon ka Paglakaw	24
3. Makigsulti kanimo ang Imong Amahan	41
4. Buot ka bang Motubo?	58
5. Bag-ong Kinabuhi – Bag-ong Buluhaton	71
6. Ang Bag-o Mong Sukdanan	90
7. Aduna Kay Magtatabang	100
8. Ang Imong Kinabuhi Sama sa Usa Ka Suga	113
9. Unsaon Pagbaton ug Usa ka Malipayon nga Panimalay	131
10. Ang Bag-o Mong Kagawasan	145

Magsultihay Una Kita



Magsultihanay una kita sa dili pa ikaw mosugod. Kini usa ka pinasahi nga matang sa basahon aron sa pagtabang kanimo sa pagtuon bisan asa ka nga dapit. Kini nga basahon mao ang imong magtutudlo. Kini magasulti kanimo'g mga butang nga angay nimong mahibaloan ug mangutana usab kanimo mahitungod sa imong natun-an. Magagiya kini kanimo sa tanan nga mga leksyon niining kursoha.

Gamay lamang, kining basahona. Madaladala mo kini bisan asa ka moadto ug makatuon ka bisan kon aduna ka lama'y higayon nga lima o napulo ka minutos. Mahimong makuha nimo kining basahona sa tingob o sa tinagsatagsa nga leksyon. Dili na kinahanglan nga magpaabut ka ug pinasahi nga higayon aron makatuon ka niining kursoha. Buhata lamang ang imong mahimo bisan asa ka pinaagi niini.

Kining mao nga libro, "Ang Bag-o Mong Kinabuhi," usa lamang sa daghan pang mga kurso nga puwede nimong matun-an dinhi sa ICI. Among gipanghina-ut nga imong magustohan kini samtang magatuon ka niini.

BUHATA KINI

Pili ang hustong tubag ug butangi ug X ang blangko tupad niini, pananglitan:

1. Unsa nga matang sa basahon kini?
 - . X .a) pinasahi
 - . . .b) ordinaryo
2. Kining basahona magtabang kanimo sa
 - . . .a) pagtudlo diha sa usa ka klase
 - . X .b) pagtuon bisan asa ka

Ingon nga imong magtutudlo tudloan ka sa leksyon sa husto ug sayop. Ang tubag sa itaas mao ang 1. a) pinasahi 2. b) pagtuon bisan asa ka.

Imong madiskobrehan nga ang mga pangutana nining maong leksyon wala ibutang sa kinaulahiing bahin.

Hinonoa, makita nimo kini matag karon ug unya sa sulod sa mga leksyon. Kini gibuhad aron pinaagi sa imong makita nga mga pangutana ug mga tubag:

- mabantayan ang paglatagaw sa imong hunahuna.
- masulayan ang imong panabot mahitungod sa imong nabasa.
- mamemorya nimo ang importanteng bahin sa mga leksyon.

Sa ubos nga bahin sa BUHATA KINI, makita mo ang mga tubag. Ayaw pagbasaha sila hangtud makahimo ka na sa imong kaugalingong tubag. Tabuni sila ug papel samtang magatubag ka sa mga blangko, ug human sa imong tubag susiha ug itandi sa hustong tubag nga anaa sa ubos.

BUHATA KINI

Pilia ang hustong tubag ug butangi ug X ang blangko nga tupad niini.

4. Ang mga pangutana ug ang imong tubag magasulay sa imong

. . .a) pagpanabut sa imong nabasa

. . .b) nahibaloan sa mga butang nga gihisgutan

Tubag: 3. a) pagpanabut sa imong nabasa.

Usahay kining basahona magasulti kanimo sa pagbuhat ug mga pagbansay gawas sa pagtubag sa mga pangutana lamang. Kining mga pagbansay alang sa pagtabang kanimo sa pagsabut gayud sa leksyon; busa buhata gayud kini.

Nagahisgut usab kini mahitungod kanimo ug sa imong kristohanong kinabuhi. Mahimo kining makatabang ug makapanalangin kanimo. Kini nakatabang na sa linibo ka mga estudyante. Apan ang imong natun-an magpulos kanimo kon imong gamiton kini. Busa buhata dayon kon unsa ang imong matun-an.

BUHATA KINI

5. Makakuha ka sa labing maayo sa imong natun-an kon

...a) tudloan mo usab ang uban sa pagbuhat sa imong natun-an niining libroha.

...b) sugdan mo dayon paghimo ang mga butang nga imong nakat-onan.

6. Usba pagbasa ang pahina 5 aron mahibaloan mo ang imong pagatun-an niining libroha.

Tubag. 4. a) sugdan mo dayon paghimo ang mga butang nga imong nakat-onan.

Gikinahanglan mo gayud ang Ginoo aron magatabang kanimo sa imong pagtuon. Busa sa imong pagtuon, pangayo kaniya ug tabang ug pasalamat siya sa iyang tabang. Magatabang ang Espiritu Santo kanimo sa pagpasabut sa mga espirituhanong kamatuoran nga kinahanglan imong mahibaloan. Ipakita niya kanimo kon unsaon mo pagbuhat niini sa imong kinabuhi. Magatabang usab siya kanimo sa pagtubo diha sa espirituhanong mga butang samtang magatuon ka niining mga leksyona.

PAG-AMPO

Salamat Ginoo, niining mga leksyon Mahitungod sa akong bag-ong kinabuhi Hinaut nga tabangan mo ako sa pagtuon niini. Gamita kini sa paghimo kanakong maayong kristohanon. Sa ngalan ni Jesus. Amen.